

E historia y nificacion di nos Escudo

Dia 27 di maart 1953 gobierno di Aruba a anuncia den corant cu nan ta organisa un concurso pa diseña un escudo. E tayer Hulandes di arte di Amsterdam ya un di e participantenan cu a somete un diseño. Esaki a bira e diseño selecta entre varios otro entrega. E escudo di Aruba ta den uso oficial desde 15 di november 1955 ariba cual fecha Parlamento di Aruba a aproba e escudo.

Ariba e diseño sinembargo Gobierno di Aruba a haci dos cambio cu aprobacion di e Atelier pa refleha mas miho e simbolonan inconfundibel di Aruba. E cambio nan aki ta den e prome y di dos cuartel si e escudo. Gobierno Insular a cambia e solo den e diseño original den e prome cuartel pa un mata di aloe. Den e di dos cuartel a cambia e sero di Jamanota pa e sero di Hooiberg. Manera stipula den e concurso e diseño a bira propiedad di e Teritorio Insular di Aruba, birando e escudo oficial di gobierno di Aruba. Parlamento a aproba e escudo di 15 di november 1955. E escudo ya refleha diferente aspecto tipico di pueblo. E simbolonan den e escudo cada un tin un otro nificacion:

- Den e prome cuartel e mata di aloe

ta simbolisa nos fuente di bien esta di nos teritorio insular.

- Den e di dos cuartel e sero Hooiberg, como parti di nos identidad, ta simbolisa e isla di Aruba cu ta sali for di lama. E color berde, como color di alegria, ta expresa alegria pa e autonomia obtendi. E liñanan ondeante ta simbolisa nos lama.
- Den e di tres cuartel, dunamento di man ta simbolisa e lasonan amistoso cu otro nacion y pueblo, tanto den sector politico como tambe economico cu Hulanda y otro islanan di Antiyas Hulandes. E color cora ta simbolisa generosidad, modestia, balor y laborosidad ariba cual e lasonan aki ta basa.
- Den e di cuater cuartel, e wiel ta representa e industria como fuente di bida mas importante pa nos isla.
- E crus ariba e escudo ya simbolisa debocion y fe.
- E leon ariba e escudo ta representa forza y generosidad; cualidad nan subraya pa medio di e color cora.
- E ramanan di laurel ya simbolisa paz y amistad.

